

gitatus calor in hecaticâ partes corporis extremas consumendo exprimit manifestissimè.

Vesuvius non continuo furore ejicit flammam, sed diversis temporibus modò fumum protrudit, modò ignem evomit. Ita febres quædam remissiores existunt, & certum paroxysmum patiuntur, quædam continuò comburunt igne corpora. In illis ἀπυρεξίας tempore flamma penitus interdum extincta conspicitur, quæ tamē Διὰ τὴν ἀδύναμιν ἔμφορῆς, ob imbecillitatem partiū περιττώματα, excrementa non prorsùs ejicit & discutit, aut novâ generatione novos excitat paroxysmos: Vel, secundùm Harvejana principia, ob μίαια, dùm cum sanguine circulato ad centrum à peripheriâ reducit, vires denuò suas recipit, & paroxysmum reiterare potest.

In his ardore inextinguibilique siti continuò macerantur ægroti; interdùm tamen ad ὄραυλὸν cùm venerit febris, ob symptomata aliquatenùs mitigata optimâ reconvalescentiæ spe, frustraneâ tamen medicum lactâsse sæpenumerò observatum prostat.

Stupenda itaque incendia hæc microcosmica, admiranda eorum natura.

Ardens febris præ reliquis jam adducenda in scenam; hæc suam præteritâ hyeme abundè exercuit malignitatem, hodieque commiserandas exhibet tragædias, Turcarum erga Christianos ostendentes crudelitatem.

Hinc auctoritate Illustris Medicæ Facultatis, Disputationis Inauguralis locò, FEBREM ARDENTEM ejusque genium ad examen incudis proponere, simulque præsidia, quæ DEUS Triunus ad extirpationem hæc in vitâ nobis mortalibus concessit, adjungere jubeor.

Sancta TRIAS benedic hisce laboribus clementissimè, & porrò nostris actionibus adde FELICITER.

## C A P U T II

definitionem ὀνομασίωδῃ adgreditur.

Disputatio nostra ut ordine & methodò certâ & eleganti pertractetur, omnium maximè necessarium esse putamus, ut sub